



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historiae Societatis Iesv Pars ...

Pars Secvnda, Sive Lainivs

Orlandini, Nicola

Antverpiae, 1620

Patribvs Et Fratribvs Societatis Iesv.

urn:nbn:de:hbz:466:1-13974

PATRIBVS ET FRATRIBVS
SOCIETATIS IESV.

Habetis alteram, Patres Fratresque
Historiarum nostræ Societatis par-
tem, scriptam à me animo bono, ex-
itu vtinã pari. Fruimini, quod stre-
nua Patrum manus gessit, ignoscite
quod stylus meus detriuit. Video quàm dispari
conditione simus. Vos factis eos repræsentatis, ego
dictis adumbro. Scripta mea tabulæ mutæ sunt,
ignaua lineamenta: spirantes vos statuæ, simulacra
viua & efficacia. Qui & litteras animatis meas, dum,
quæ narratur à me, accipiunt fidem, hoc est vitam,
à vobis; vt nemo dubitet facta, quæ fieri videt: nec
de Patrum ambigat facie, quam agnoscit in filijs.
Cæterum & vestra, & publicè interest, vt vestris ad
Deum precibus impetretis, quod mihi munus im-
positum est, vt quàm minimè malè fungar: nam vt
bene, supra votum est. Plura habebam ad vos præfa-
ri de toto genere, consilióq; & quasi œconomia scri-
ptionis tum meæ, tum P. Nicolai Orlandini, qui
primam rerum nostrarum partem condidit. In eam-
dem enim viam à principio, inuicem ignari, conue-
nimus: sed quia & ad alios, atque adeò maximè ad
alios ea disputatio pertinebat, separare malui, pro-
œmióq; inclusi. Bene valete. Christus Iesus sua me
Societate ac vestra dignum efficiat.

Omnium indignus in Christo seruus